



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 29 Zakona o prostornom planiranju i građenju (Službeni glasnik Brčko distrikta BiH, broj 29/08), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13) i Prijedloga odluke Vlade Brčko distrikta BiH, broj predmeta: 22-000267/17, broj akta: 01.11-1161DS-008/17 od 2. 3. 2017. godine, Skupština Brčko distrikta BiH na 7. redovnoj sjednici održanoj 15. marta 2017. godine, donosi

ODLUKU O PRISTUPANJU IZRADI STRATEGIJE PROSTORNOG RAZVOJA BRČKO DISTRIKTA BiH

Član 1

Pristupa se izradi strategije prostornog razvoja Brčko distrikta BiH.

Član 2

Strategija prostornog razvoja Brčko distrikta BiH će se raditi na teritoriji Brčko distrikta BiH. Granice obuhvata Strategije prostornog razvoja Brčko distrikta BiH definisane su u Grafičkom izvodu obuhvata Brčko distrikta Bosne i Hercegovine, koji čini sastavni dio ove odluke. Površina obuhvata strategije prostornog razvoja Brčko distrikta BiH iznosi 49.300 hektara.

Član 3

Strategija prostornog razvoja Brčko distrikta BiH donosi se za period od 20 godina.

Član 4

Smjernice za izradu strategije prostornog razvoja Brčko distrikta BiH:
strategijom prostornog razvoja Brčko distrikta BiH posebno će se utvrditi: načela i ciljevi prostornog razvoja, osnove za usklađivanje i usmjeravanje razvoja, organizacija prostora, razvojni prioriteti, osnov za zaštitu životne sredine, sistem razvojne infrastrukture, kao i planske cjeline za koje se donosi strategija ili prostorni plan područja posebne namjene.

Član 5

Rok za izradu strategije prostornog razvoja Brčko distrikta BiH bit će određen ugovorom o pružanju usluga izrade strategije prostornog razvoja Brčko distrikta BiH.

Član 6

Obavezni elementi strategije prostornog razvoja Brčko distrikta BiH su:

1. tekstualni dio,
2. grafički dio.

Član 7

Javni uvid i javna rasprava organizovat će se u skladu s odredbama člana 37 Zakona o prostornom planiranju i građenju (Službeni glasnik Brčko distrikta BiH, broj 29/08).

Član 8

Sredstva za izradu strategije prostornog razvoja Brčko distrikta BiH osigurana su u kapitalnom budžetu Brčko distrikta BiH za 2016. godinu na kodu 821500 –Nabavka stalnih sredstava u obliku prava – Izrada prostornog plana Brčko distrikta BiH.

Član 9

Nosilac pripreme strategije prostornog razvoja Brčko distrikta BiH je Odjeljenje za prostorno planiranje i imovinskopravne poslove Vlade Brčko distrikta BiH.

Član 10

Postupak izrade i donošenja strategije prostornog razvoja Brčko distrikta BiH provest će se u skladu s odredbama članova 29 – 42 Zakona o prostornom planiranju i građenju (Službeni glasnik Brčko distrikta BiH, broj 29/08).

Član 11

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-93/17

Brčko, 15. 3. 2017. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za prostorno planiranje i imovinskopravne poslove
5. Uredu za upravljanje javnom imovinom
6. Direkciji za finansije
7. Sektoru za koordinaciju politika i opće poslove - Odsjeku za opće poslove
8. Arhivi